

НОВИ РУСКИ НОВИНИ

ЗА РУСИНОХ У КРАЉОВИНИ СХС

Рок VI.

Нови Сад, петок 25. Јануара 1929.

Ч. 3 (211)

Виходад раз у тижню.
 Цена на цали рок 100 Динари.
 На 1/2 рока 50 Динари.
 За Америку 4 долари на рок.
 Рукописи и други писма треба
 послати на адресу:
 „РУСКИ НОВИНИ“ НОВИ САД
 Бојовићева улица број 2.
 Претплату на РУСКЕ-НАРОДНЕ
 ПРОСВИТНЕ ДРУЖТВО, РУСКИ
 КРСТУР (Бачка).

Котри кому жичи, того спомага.

Прикри особини нашого народногo карактера не витар и нашеј души ани тот стари рок, котри тих дньох почнеме забувац. 1928 рок доси слаби газдовски рок бул у нашим валале. Наш народ вредни, па гоч як було чешко, вол својо препитствня зкладал. Так можеме и у тим року записац, же зме напредовали — але же як, на котри способ о тим ше у нас барс мало, а найвещей раз нияк неводзи брига.

Кед мож заключовац по судох, по знадох, по охабяньох и т. д. теди можеме шмело записац до спомен-прешлого рока, же нап фамилиярни живот на слаблних темельох стої, як стал. Причину пайсиц тому чешко. У барс вельо случайох причина в тал и длуство. Оцеп ледво диха од длуствох, але дзвика му зато у хадвабу и хатласу ходзи до карчин, а 16 рочни син плянтаючи ше праца дому. Мало ест фамелиї, дзе ше наслідница през звади, през суда намирели. „Дам провкаторови гоч шицко, дем да вон недобне!“ — то чуц по мирних улїцох нашого валала з дня на дзень. Кед ше человек упатри до нашого фамелиярногo живота, теди добне вплив, же у велїх хиби гота природна любов гу своім власним, котра с усадезна до каждого здравогo шерца. Вельо людзе у нашим валале баржей жича цудзому, як самї себе. Брат брату завидак, же в исто таки богатї, лебо богатїни, як вон.

Цо ше тече нашого друштвеногo живота, ту мож спомнуд, же шицки друштва, кельо лем ест у нашим валале, хори. Чом? Чи таке воспитанє, чи таки карактер? Чешко повесц. Ест таки степени культурногo развитка, дзе людзе

почву похониц, нови ствари їх жадна душа полїпа и толкує на свой способ, так им ше нараз привидзи, же вони шицко зваю и їх душевна вредносц приказує ше им неспреденлива. Таки людзе најопаснїшия у людцким друштвеним живоце.

У нашим прешлорочним друштвеним животу можеме утвердиц, же таки возпочатну культуру людзе мали найвещей вплива и повереля у нашим народзе. Едно наше друштво борело ше против другогo. Тотї исти людзе були члени и ту и там, пуйкали и едир и друге друштво. Чом?

Друштва предадоу, а лукавство добне вше векше поверене и векшу власц.

Лукавство ма и едну шестру, зависц, котра велька помоц таким людзом.

Людзе завидва своім, зато им ани не жича. На приклад: у нашим валале маме едну руску банку, дзе члени шицки лем людзе воз истогo валала и дзе им подязани шицок их капитал.

Даскельо газдове мали геверни нежеж, та одпесли до другогo валалу, до едней швабскеј каси. Наша каса исто тельо плаци камат, як и гевта, але гуторя тотї людзе, же гевта банка скгурнїшия, бо гевта швабска банка одвитує лем зоз акциями, док тотї наша руска банка одвитує зоз акциями (уделами) и зоз их жему, а вецка там ше збогацує шваб, а ту би помогол Русина.

Нашо людзе укладаю до швабскеј банки по 10% и нашо заш одгац жичаю по 16% — Даклем в динари од сто останку швабом. Кед би тотї Руснаци уложели гот пенєж до рускеј каси по 10%, нашо руснаци би ту могли позжичиц по 12% — 4 динаря од сто останку би Руснацом.

Але може буц, же то и причина тому, же нашо людзе немаю повереня у своєй власнеј банки, але вони веря, жича швабом, па их и спомагаю. Вельке рихтанє у нашим валале,

же да поставя едну филиялу теј швабскеј каси.

У едней банки зме уж страцели скоро милион динари, чом да не поклонїме ище даскельо сто тисячи и швабом?

У нашим отечеству

Стаємносц чиновничох. Нова влада видала даскельо премепки у даскельох законах, особено цо ше тиче стаємносци авалничїкох. Шицки званїчници ставени на расположење, котри до тераз були стаємни. Так и, пр. суднове и учителя буду поново попремесцани, а без квалификациї отпушени, бо при нас ест 183,424 званичничкох.

Справованє гу народу. Министар генерал Живкович видал наредзене же шицки званїчници державних власцох мупа поступовац зос народом пристойно и улїодно, а заш каждую непристойност гу чиновничкох у справованю од страни коедничкох з народу треба оштро покарац и так прибавиц поштованє гу власци.

Легис збойнїц. Полиция у Осеку винашла цалу едну организацию, у котрей були самї легис испод 18 роки. Вони крадли и плячкали по приватних домох а найвещей отверали илюмбирани пагонї.

Цена кукурици рошиле так, же вона драгша тераз од жита. Цена ей тераз приходзи на 260 дин.

През вода остали жителе Београду през даскельо дни, бо шицки циви на водоводох позамарзовали.

Велька жима настала у цалей жеми. У Херцеговини людзе не паметаю такеј жими. Даскельо особ би змарзали ше на драже. У Босни укаловал термометер на 25 гради снад нули.

Безработносц у нас. Прешлого мешаца остало без работи 4485 особи, котри ше привели, а вельо ест и таких, котри не могу пайсиц нияку роботу а не приваляю ше власцом.

Криви дводинарки. У Заечару (Сербия) владени еден ремесельник, котри правел криви дводинарки. Легко их розпознац, бо су барз били, але инак ше не розликую од правих.

Паломництво до Риму. У тим року, котри преглаисени за ювилейни пойдзе вельке паломництво зос цалей нашеј держави до Риму на 12 мал. Докладнейше ище живже.

Немецки организациї по цалей держави розлушени, гоч Немци гуторели и писали, же їх организациї останю, бо су загарантовани мировним уговором. Так исто розлушени шицки инши полит. организациї.

Вимсцел ше слуга. У Темерину отпушцел газда фехер својогo слугу Адама Балага а вон, же би ше вимсцел подпалєл му хамбар, у котрим було 80 метери жита. Кед го владели сиравел ше глухим, але му то нїч не помагало.

Нова гвиздария ма ше подзвиглуд у Београду а будзе медзи першим на швсце. Коштац будзе вецей як 27 милїони дин. На здания потребно ище 5 мил. дин. До августа мешаца буду шицки инструменти, котри правени у Немецкеј привезени до Београду и

Широм швета

Турска. У Турскеј Кемал-Паша гогуе закон, по котрим у Турскеј запровадза метер и килограм мик димални метри.

Велька жима у Америци настала и до тегас ест даскельо особох у-вартих. Жима ише непопуцела.

Шниг у цалей Европи западал у вельких розмирох. Прето железници спознуб ише бара вельо. У Бейчу н. пр. западал тел шниг, же 26.000 людзох мушело ише поеднат, же очисца улци.

Образ Рафаела. Слави маляр Рафасл вималвовал еден образ Богородици, котри ише звичайно вола „Мадона“. Тих днѹох амерички државни секретар Мелон купел тот образ за 52 милиони динари.

Умар княз Ник. Николаевич. Верховни командант рускеј войски у свитовой войны княз Николай Николаевич умар на саму Вилію у Францускеј. Вон предвидзел препасц Русї и часто оломинал цара, да одстранї Распутина, але то цар не слухал. Вон бул яще едина надїя шицким росийским емигрантом, котри видзели у нїм будуцого руского цара. Шмерц ушлтела їх надїї.

Ладя засипана зос жему. На Чарним морю недавно догодаел ише чудни

случай: едина ладя ишла попри едим брегѹ, и у тим часу едина часц брегѹ ише одвалела, спадла на ладю и засипала ю. Шицки людзе, хтори ише находзели у ладї, воцанзели ише.

Грамофон вишлеботитель. У хижї едного дохтора у Паризу остала на Крачуи сама його жена зос малима дзецми, бо муж бул поволани гу хорому а служници пошли до церкви. Пани збачела, же ктошкаль ише круци по заградї. Було вецей особи. Дораз ачала, же то збойици. Вола ише здогадала и накруцела грамофон, котри почал грац а вона танцовац. Збойици паисце подумали, же там вельке дружтво муши буц и сцекли. Так снашла гота шмела жена себе живот.

Знова експлозия. У Немецким варонту Берлину у фабрики гомбичкох од крѹци (целилойд) догодаела ише странна експлозия. Умар 1 роботник а 18 ест ранстих.

Вельке нещесце на железници догодаело ише при Турн-Северину у Румуниї. Швидки воз вискочел зос шинох, бо ише осовина на поштовим вагону зламала. Вецей як 20 особи при тим настрадало. Дораз послали другу локомотиву зос вагонама на помоц, але и вола палецела на тоти вагони пре вельку молгу, бо

ише не видзели сигнала и так заш погнаудо поновно 40 особи.

Краль Афганистану мушел ише одрекнѹц свойого кралевства, бо сцел до своей држави запровадзиц европейски явчїя и модернизовац ю. Його заостати народ ише проци йому побунел и вон задзековал. Кралевство превжал його брат Ипа-тѹлиах.

Найгвидши автомобил дал правнц француски майор Сеграв. Вон дума, же зос своим автом посцигне швегови рекорд. Мотор моцни 1000 коньских силѹх а швидкѹсц будзе мац 450 километри на годзину. Коштац будзе 6,065.000 динари.

Булгарска пезна, па котру би страну. У влади

ест министрох, котри би сцели, да ише Булгарска баржеї наслонї на Француску, а други би сцели гу Италиї! А так би сцели, да ише краль Борис ожени зос талиянску принцезу.

Трешене жемѹ у американскеј држави Венезуело тирвало готово 10 минути. У самим варошу Кумана настрадало 200 особи. Чкода виношус попад 12 милиони долари.

Спу: самостойносц. На вельким острову Нова Гвинея при Австралиї яшио ише давни людзе, людзожедзи Пануаси. Новини являю же ише вони побунели процив Английцом и жадаю свою самостойносц. Варош Граввил цалком спалени.

Зос наших валалѹх

Петропци.

Пар днї пред Рождеством Христовим мали ми Петропчане вельки духовни ужиток. Того днѹа а пред службу Божу окресцени у нашей церкви штирме синове назоренских родичох, (бугере) од хторих едному 16 роки, другому 12, а најмладшому 5 роки. Синове то назарена Дюри Палути. Радосно и на духовни ужиток нам було, кед новопокресцени дзеци церкви Христовей зос своим ижолским пайташама приступели подчас службы Божей и гу святому причастию, а причастничкох того днѹа було вельо,

па и шветковѹе того собития були шицки покайники и причасники того днѹа. Дай, Господи, да тоти нови члени Церкви Христовей ише добри справди и останю!

Недавно знашло паного чесного майстра ковала Михайла Барну чешке нещесце. Умарла му у Бачинцох младѹ жена Серафина и охабела му тройо дробни дзеци. Длуго хоровала християнска душа, але хороту свою и церпезливо вношела и придана на волю Божию оддала дух свой. Вични ей у Господу спочивок, а мужа гдовца и тройо дзеци широтки Бог най поцешї!

Да знаце як у Сримским валале в жиме, же як и в ешенї, олишем вам. (Най ише Бачване не радую, же учую тотѹ цо будзем писал, да можу прекосциц Сримчаньом, бо у нїх сом бул лем в лсце та сом гварел, же бим лубел буц там лем — лачмар).

У Сриме вам так:

Вешенї кед запада диждж не може преисц преїг драги хто нема чижми до колена.

Кед сце дахтора суцсца лециц „слаткиши“ лебо „куглоф“ вец видзе на драгу та кричи:

— Ириво! Ириво!

Цо год ест Ириви у истиа шоре повибегую (таки през фартухох) да чую, хто їх вола.

— Та не тебе сом волала. — Гевту другу.

Шицки Ириви ише поуцагую лем „гефта друга“ остала:

— Маш ступку, да получем цукер.

— Мам, але е од паприги.

— Я пошлем сына околѹ, та му ю дай.

— Добре?

Шицки у валале знали же тотѹ нема своей ступки, же гефта тлукла папригу, же мали син пойдзе околѹ, а не коло Пульманца, бо вон направел дражку преїг драги, од вигрискох — — —

Ого! На цо ми зишли: на ступку — з Янкового калапа. Не мали би зме право, кед би зме думали, же його калап як и ступка. Не! Мало е менши.

Окрем того ступка од древа, а його калап од — не знам ани сам чога. Знам лем, же е не од древа. — А цо најглавнейше: ступка нема криси, а Янков калап и то ма.

Знаце тераз, агеїце, як калап ма, але да лем видзице як то стої.

Ступку кед положице на жем — стої ровню. На главу кед ю положице, инак ани не сце стац лем ровню. Але Янков калап (озда зато

же е калап, а не ступка) стої на криво. — Чудо же му нїгда з глави не спаднул.

Читал сом дзешка, же ест у Талиянскеј едина церква, хторей турня зошицким на бок стої, а не звалела ише до тераз, а то зато же... да нас длуго не мучим з доказованьом повем вам у кратко... же ю майстрове так направели.

Може то иста ствар и з Янковим калапом. У руки сом го правда не мал, бо захрань Боже, да ише дахто догхне його калапа, але так думам, же лем майстрове мушели так направити.

Под калапом були длуги власи а под власми и скоро и косцу — мозок. (Не можем тпердзиц, же паисце, бо сом не видзел.)

Лицо? Гм! Як и други лїца. Мал нос (сден), двої очи (не два пари), уста и так dalej... Не одавало ани богзна яку мудросц; лем кед шиввал теци бул красни. Зато го Марча и любела,

бо ише бул красни а то за то, же ише шиввал.

Надраги и реклу ношел, як и други богаче, белави. Лем му надраги були цесни та ише крашче видзели — крива ноги.

Баби гуторели, же то зато, бо го мац не повивала док бул мали.

Вон гварел, же су му кривн од — шедлани. Хто би их знал?! Кому вериц?

Ише цицели остали, да їх олишеме. Думали би сце: цицели як цицели. Але не так.

Кед ише Янко до своих цицелох обул и прешол у нїх през валал, кажди знал, же то Янко Т-ов идзе, гоч го ани не видзели.

Тоти цицели и дома кед стали та не як други... Братово, шестрово, мацерино, оцово стали ведно з дїдовима чижмама за дзверми, а його у паперу закрупени у предней хижї у ормане.

